

Олнд тоомсрта ўрд

Хальмг АССР-н Деед Советин сунъгъвриг Яшалтинск района селӓнӓ эдл-ахун кӓдлмшчнр, колхозникуд болн специалистнр ик диилвртӓ кӓдлмшӓр темдгдж, дотр - дундасн сӓн гисн, эврӓннь кўч - кӓлсӓрн олн ӓмтн дунд ик тоомср авсн ўрдӓн Деед Советин депутатнрт темдгджӓцхӓнӓ.

Эн джилин сентябрь сарин 26-д «Новый мир» колхозин комплексн хойрдгч бригадт ик байрта ӓдр болв. Эн ӓдр Хальмг республикин Деед Советин депутатин кандидатд механизатормуд дундас ПАШИНА Елизавета Трофимовнаг сунъгъврин 26-ч номертӓ Ульяновск округар темдглцхӓв.

Хаврин тӓрӓ хадж хуралгъна цагт Елизавета Трофимовна шофер болдж, буудя орн-нутгтан орулдж ӓглгънд кӓдлдж, кўч-кӓлснӓ ик диилвр ўзўлв. Энўнӓ кӓдлмш кезӓ чигн чинрнь сӓн болна, данъгин машинь цевр, бўрн-бўтн.

Буудя зӓӓсн арвн ӓдрин эргцд, эн колхозас Сальск элеваторур 7 минъгън центнер буудя кўргв. Тиигдж кӓдлдж ўр Пашина нӓӓмн ӓдрин эргцд кўч-кӓлснӓ 318 ӓдр шинъгӓв.



Эн ӓдр Яшалтинск района Яшалтинск РТС-н кӓдлмшчнр эврӓннь нерн деерӓс Хальмг республикин Деед Советин депутатин кандидатд ВЛКСМ-н танъгъчин комитетин сеглӓтр ўр НАДБИТОВ Баснь Педеровичиг 25-ч номертӓ Яшалтинск округар темдглцхӓв.

А. ДЖЕВАЛДЫКОВ.